

松隱文集

二



松隱文集卷十一

宋曹勣著

律詩

五言

贈胡程隱君

星聚西豪里人誰識少微忘懷卷外少此道眼中稀筆
墨騰瀛禁圖書動袞衣趨風忻並世一語欲清非

贈張鍊師

昔仰蘇仙跡今瞻弄玉身岳靈朝捧劍飈馭夜朝眞笙
鶴聲常近煙霞到處新願言承道蔭秘語慰斯民
護幄通明殿仙階貴可知塵凡聊混跡功行欲康時明
月丹崖路秋風白玉墀行聞普濟足飛步萬真期

題小石接待庵

老大思閑適山林喜晦藏一廬雖異縣三徑得崇岡地
僻煙雲潤年豐黍稷香心期得多矣襟袖更新涼

題今是齋

偉矣高情著齋名世亦稀但能塵事遠便覺昔年非琴
靜凝香碧神清眾妙歸諸緣只心法鷗鳥亦忘機

敬題箕穎集後

昔侍先君日多令誦近詩尙知塗抹處猶記唱酬時竟
負經邦志終爲造物疑篇篇親訓釋字字念恩慈

太史推經學

東坡謂先公深
於明經史學

先君得最深文章入面敵

辛苦一生心禁掖傳新句公卿錄苦吟遺留示有子捧

卷淚盈襟

寄溧水宰李仲鎮

不見李君久水雲魚雁沉調官聊製錦得句賸關心每
訪民情悅相望春事深故鄉與賢者北首重登臨

小三姝遠持兄嫂之命見訪於荒寒寂寞中將
歸二詩爲別

投老台山麓松篁築靚幽行年今七十撫事幾春秋但
喜親情話難忘爲小留山川煩跋履事事見操修
不見小阮久相看情甚溫肯來成宅相端可大吾門暖
日長江路梅花細雨村真成好兄弟言謝却忘言

示諸子

霜入晴雲暖冰生掠岸沙卑枝閑剪橘幽徑試尋花客
路人情薄鄉關去路賒只應託諸子莫倦問桑麻

獨步南園寄子忱

野老悲春事相如復倦游肯來傾濁酒同與散清愁遠
岸重重柳晴江處處舟飛紅殘照晚閑倚水邊樓

聞逆虜近淮

壬午收亨運餘屯未肯休風煙淮水近天地老身愁虜
意驕如昨江干景易秋得閑如自若心在一扁舟

方檢詳出歙研求詩

黟歙與端璞爭雄稱權奇馬肝乃正色龍尾終視儀霜
毫淪紫玉松煙生華滋都付文學老看誦浯溪時

淮上幕府

上將宣威重長淮朔吹來
兵戎已超距鼓角有餘哀
日薄雲多暝天寒火易灰
詩成且排悶興在倒金壘
聞有衣冠附僞命者

義分元無守跳梁遂不臣
美新應有賦思漢定何人
晚景嗟逢此孤忠尙欲伸
君王在靈武日北靖風塵

問訊子忱游天台

落落賀吏部蕭蕭湖海姿
好山應自適短棹得回遲
花發庭中檻香傳舍外籬
相思梅已謝無處問歸期

喜張叔潛登第

潛也忠良士鴛鵲喜縱觀
主文收俊彥學校益尊安
臺

閣名聞久交游意始寬
佐時行拭目正論聳朝端

到廬阜謁清虛

足趺踰千里仙山豈易逢
欲將遮日手款扣撥雲峯
奎壁垂無極星辰拱幾重
師心微太漠不礙白雲封

游廬山道中作

早踏丹楓路西風禾豆乾
鳴榔秋水闊擊漂曉溪寒
短褐宜扶杖長涂懶據鞍
却思冬後景黃菊壓欄干

游廬山涂中雜詩

天台久宴坐廬阜得遊遨
殊慰水雲念敢辭塵土勞
冬溫寒色少江靜水痕高
歸趁新年近同斟玉色醪
去去忘回遠行行迫臘天
江寒侵老淚霜冷逼宵眠
客

路雖經至歸涂尙過千家山在台岳南望幾悠然
稅駕南昌郡城頭喜少留兒時誦閑賦老境作佳遊傑
閣收英槩長江倚暮愁何人識老子清月上貂裘

茗溪道中

秋日茗溪路輕舟棹晚霞夢魂猶畏客行李乍離家細
細來涼吹娟娟有晚花平生雲水興老境似難誇

過小圃

小隱州城北先謀儋石儲幾椽將弊屋數策未看書碧
色新松徑泉聲舊石渠欣然終日過真是愛吾廬

上塘值清明

客路逢寒食划船開水干嬌雲易得雨暴冷不成寒白

水連天去繁桃觸目看朝來有家信稚子報平安

客路逢寒食清明未到家起居須藥餌飲食任魚蝦水
淨垂垂柳風遲艷艷花興來隨處樂不復問年華

客路逢寒食猶尋禦臘衣羣芳須暖景曠日尙寒暉餘
力求閑早勞生昨夢非薺花渾似雪蝴蝶夢中歸

客路逢寒食光陰亦可驚如何介子節再過闔廬城列
岫遙逾碧羣芳晚更明節餘風力壯掀舞小舟輕

客路逢寒食山光觸處新取魚多樣網艤岸幾州人默
爾非無住超然得任真今年卦氣盡四顧欲何親

客路逢寒食浙西春事稀日華藏暖景天氣未單衣歌
棹喧椎鼓桃花巧映扉空收麴麥粉藥病豈心違

客路逢寒食禾秧出已齊清溪三汊淺白鷺一行低
飲心何在茅峯路恐迷隨時隨有樂何處不幽棲

客路逢寒食欣同不繫舟閑中聊適性要地固抽頭不
作揚州夢何能賈客留壯懷今斷斷世事任悠悠

涂中寒食

上已當羈旅飄然浙水東好花閑照水宿雨冷連空
靈武兵方振燕然信未通無人訪老子有淚濕春紅

南園夜宿有懷

老病杜門久佳時誰與過親朋懷我少風月向人多
梅影橫清夜江聲動白波不知潮早晚墻外聽漁歌

臨安久雨

初夏連朝雨土人云入梅但聞簷溜密不見曉光開衣
潤疑霑汗堦空任長苔地車無住著只擬上層臺

謝岸老惠顯明新芽

幽壑乘春摘芳芽辱見分鶯花妨老眼香味喜新聞細
石飛輕雪圓甌泛亂雲雖無七盃量清興重欣欣

食蠶有作

點化八珍爽須煩一品蠶村寒求食下麵法記山西官
徵難忘味蠶賦云嚼得來宮商角徵膏粱勿遽迷終然調鼎手深旨
出扶犁

得致仕喜成

久甚嗟形役今方得自怡所欣官已了得與靜相期風

月閑如舊心情喜可知山中鷄黍友賀幅已先持

憶梅

江雲暗江路曾向玉川家冷入參差玉香隨的皪花
溪回夜色冒雪冠春華猶記西窗伴寒枝片月斜

暑後喜雨

雨因祈禱得連日作廉纖候變涼飈肅人皆和氣添秋
陽猶執熱竹色故侵簷但喜穹崇德難從甲乙占

招賈祕書

不見賈夫子病懷何得陳呻吟一春了物色九秋新閑
花翳欄檻秀氣浮衣巾笑言約中泮鷄黍供蕭晨

和張才甫野望軒

聞闢新軒檻高明豈鞠窮八荒供望眼萬事付冥鴻聊
味青龍鈔公日念佛聲不少止行趨白虎通大千兼內外拈出便
無同

寄吳思道

別去書音短愁來客路長飛魂常故國舉目念殊鄉未
暇論奇字何堪別最良秋風入邊草意苦不相忘

簡冲齋庵中故人

寄跡臨安久思歸夕夢頻愁多難強醉病苦故禁人夜
短無清夢年高歎幻身山中有道伴雲壑擅餘春

松隱文集卷十一

松隱文集卷十二

宋曹勛著

律詩

七言

恭進德壽芝草

椒掖冲襟奉玉宸
靈芝莖葉出氤氲
如頒月令欣欣政
先學巫山藹藹雲
璀璨吐奇康壽棟
輪囷絕異漢唐聞
只應一葉三千歲
萬億斯年贊大君

會慶聖節

帝出乘時叶小春
中興復古付曾孫
奉親聖德躬仁孝
御極天章廓晏溫
書軌自應歸正統
蠻夷先已侍脩門
凌虛志遠吞寰宇
億載端臨四海尊

癸巳聖節

堪輿亨會接洪基鬱鬱葱葱動紫微
理契奕秋專國手德兼周武一戎衣
恩言下浹皆中道帝意終潛復九圍
升濟羣生歸大業同心億萬仰天威

曉雲紺瓦不飛霜瑞靄融春十月陽
電繞璇樞開上瑞虹流華渚叶珍祥
威騰紫塞天驕外日拱蒼龍闕角傍
今歲泰壇伸謁款是宜萬壽詠無疆

恭奉聖訓賦凌虛

新規傑閣倚蒼巒地拱天成十二欄
但覺星辰來廣漠不知步武切高寒
春風先到黃金闕皓月常臨白玉槃
曾侍威顏香案末遂瞻旒宸瑞雲端

宣召看紅木犀賜宴索詩并謝恩

九霞深借曉光披粟粟輕紅蔭碧枝不逐秋香勻菊艷
要烘花色竝彤墀涼雲收雨頌慈惠寶幄中天拜宴私
折得一枝恩所賜喜如初挂綠衣時

恭覲上聖親臨江淮耀武伊洛謹成詩一章仰

贊聖化

辛巳

曉傳清警出龍樓八駿騰驤下斗牛鐵騎屯雲朝障殿
羽林扈蹕拱凝旒暫迂玉趾臨三楚便覺榮光煥九州
恢復故疆知默定已看森索墜旄頭

恭題觀堂

松篁深靚隱新宮十六清真位位同笙鶴似臨三境上

珮環應下五雲中
煙霞頓隔塵寰路
道德追還太古風
固已羣仙資聖壽
嵩呼益願祝堯聰

初到闕下

墨勅雙馳侍帝傍
何堪窘步入明光
退風久作翻風翼
倦客何能久客梁
野寺殘僧思緩步
斷橋流水憶寒香
何時短褐携筇去
數里松聲細麥岡

故舊見辟幕府

生逢艱苦念無前
扈聖猶悲易水壩
知効一官常自愧
死須五鼎遂身先
頗收姓字朝廷上
寧復功名日月邊
軍旅固非平日事
願將餘力從橐韃

持節和王樞密